

TILSKIPUN RÁÐSINS 96/33/EB

frá 21. maí 1996

um breytingu á viðaukum við tilskipanir 86/362/EBE og 86/363/EBE um hámarksmagn varnarefnaleifa í og á kornvörum og matvælum úr dýraríkinu

RÁÐ EVRÓPUSAMBANDSINS HEFUR,

með hliðsjón af stofnsáttmála Evrópusambandsins,

með hliðsjón af tilskipun ráðsins 86/362/EBE frá 24. júlí 1986 um hámarksmagn varnarefnaleifa í og á kornvörum ⁽¹⁾, einkum 11. gr.,

með hliðsjón af tilskipun ráðsins 86/363/EBE frá 24. júlí 1986 um hámarksmagn varnarefnaleifa í og á matvælum úr dýraríkinu ⁽²⁾, einkum 11. gr.,

með hliðsjón af tillögu framkvæmdastjórnarinnar,

og að teknu tilliti til eftirfarandi:

Framkvæmdastjórnin hefur á grundvelli tilskipana 86/362/EBE og 86/363/EBE fengið umboð til að taka saman skrá yfir varnarefnaleifar og viðmiðunargildi fyrir hámarksmagn þeirra og leggja fyrir ráðið til samþykktar.

Varnarefnaleifar geta verið í kornvörum og matvælum úr dýraríkinu sem afleiðing ræktunaraðferða. Taka ber mið af viðeigandi gögnum bæði hvað varðar leyfilega notkun varnarefna og, eftir því sem við á, prófanir undir eftirliti og rannsóknir á dýrafæðu.

Til að auðveldara verði að meta hve mikið af varnarefnaleifum er í fæðu þarf að ákveða samtímis, eftir því sem við á, viðmiðunargildi fyrir hámarksmagn leifa (MRL) einstakra varnarefna í öllum helstu fæðupáttum. Þessi viðmiðunar-

gildi svara til notkunar á minnsta magni varnarefna sem nægir til að halda plágum í skefjum, þannig að leifarnar verði eins litlar og mögulegt er og viðunandi frá eiturefnafræðilegu sjónarmiði.

Í ljósi aukinnar þekkingar á sviði vísinda og tækni og þeirra krafna, sem eru gerðar í tengslum við almannaheilbrigði og landbúnað, ber að breyta tilskipunum 86/362/EBE og 86/363/EBE með því að bæta við þær ákvæðum varðandi aðrar varnarefnaleifar í kornvörum og matvælum úr dýraríkinu, það er klórmekvat, díasínón, díkófól, dísulfóton, endósúlfan, fenbútatínoxíð, fentín, mekarbam, fórat, própoxúr, própýsamíð, tríasófos og trífórín.

Fyrirliggjandi gögn nægja þó ekki samkvæmt gildandi reglum til þess að unnt sé að ákveða viðmiðunargildi fyrir hámarksmagn varnarefnaleifa með tilliti til tiltekinna samsetninga varnarefnaleifa og vara. Í slíkum tilvikum skal veita allt að fjögurra ára frest til að safna saman nauðsynlegum gögnum. Því ætti að vera hægt að ákveða viðmiðunargildi fyrir hámarksmagn á grundvelli þessara gagna eigi síðar en 30. apríl 2000. Takist ekki að afla fullnægjandi gagna ber að styðjast við þá meginreglu að ákveða viðmiðunargildin með hliðsjón af viðeigandi ákvörðunarmörkum. Gefa ber formlegt loforð, innan árs frá því að þessi tilskipun er samþykkt, um að nauðsynlegra gagna verði aflað.

Viðmiðunargildi fyrir hámarksmagn varnarefnaleifa, sem eru sett með þessari tilskipun, ber að endurskoða á grundvelli endurmats á virkum efnem sem kveðið er á um í vinnuáætluninni sem um getur í 2. mgr. 8. gr. tilskipunar ráðsins 91/414/EBE frá 15. júlí 1991 um markaðssetningu plöntuvarnarefna ⁽³⁾.

SAMÞYKKT TILSKIPUN ÞESSA:

I. gr.

Bæta ber eftirfarandi varnarefnaleifum við A-hluta II. viðauka við tilskipun 86/362/EBE:

⁽¹⁾ Stjtuð. EB nr. L 221, 7. 8. 1986, bls. 37. Tilskipuninni var síðast breytt með tilskipun 95/39/EB (Stjtuð. EB nr. L 197, 22. 8. 1995, bls. 29)

⁽²⁾ Stjtuð. EB nr. L 221, 7. 8. 1986, bls. 43. Tilskipuninni var síðast breytt með tilskipun 95/39/EB (Stjtuð. EB nr. L 197, 22. 8. 1995, bls. 29)

⁽³⁾ Stjtuð. EB nr. L 230, 19. 8. 1991, bls. 1.

Varnarefnaleifar	Hámarks magn í mg/kg (ppm)	
TRÍFÓRÍN	0,1 0,05(*)	hveiti, rúgur, rúghveiti, bygg, hafrar aðrar korntegundir
ENDÓSÚLFAN Efnaleif: summa alfa- og beta-endósúlfans og endósúlfansúlfats, gefið upp sem endósúlfan	0,1(a) 0,2(a) 0,05(*)	hveiti, rúgur, rúghveiti, bygg, hafrar maís annað
FENBÚTATÍNOXÍÐ	0,05(*)	
TRÍÁSÓFÓS	(b) 0,02(*)	hveiti, rúgur, rúghveiti, bygg, hafrar, maís annað
DÍÁSÍNÓN	0,02(*) 0,05(b)	bókhveiti, hirsí annað
MEKARBAM	0,05(*)	korntegundir
FENTÍN Efnaleif: fentín, gefið upp sem trífenýltínkatjón	0,05(*)	
FÓRAT Efnaleif: summa fórats, súrefnishliðstæðu þess og súlfoxíða og súlfóna þeirra, gefið upp sem fórat	(a) 0,05(*)	maís annað
DÍKÓFÓL Efnaleif: summa P-, P'- og O-, P'-ísómera	0,02(*)	
KLÓRMEKVAT	5 2 (a) 0,05(*)	hafrar hveiti, rúgur, rúghveiti, bygg, maís annað
PRÓPÝSAMÍÐ	0,02(*)	
PRÓPOXÚR	0,05(*)	
DÍSÚLFÓTÓN Efnaleif: summa dísúlfótóns, dísúlfóton- súlfoxíðs og dísúlfótónsúlfóns, gefið upp sem dísúlfóton	0,1 0,2 0,02(*)	hveiti bygg, dúrra annað

(*) Sýnir lægri mörk greiningarákvörðunar.

(a) og (b) Hafi mörkin ekki verið samþykkt 30. apríl 2000 gilda eftirfarandi viðmiðunargildi fyrir hámarks magn eftir þann dag:

(a) 0,05(*)

(b) 0,02(*)

2. gr.

Eftirfarandi breytingar eru gerðar á II. viðauka við tilskipun 86/363/EBE:

1. Bæta ber eftirfarandi varnarefnaleifum við A-hluta:

Varnarefnaleifar	Hámarks magn í mg/kg (ppm)		
	fyrir fitu, sem er í kjöti, kjötvörum, sláturúrgangi og dýrafitu eins og tilgreint er í I. viðauka undir tollskrárnúmerum úr 0201, 0202, 0203, 0204, 0205 00 00, 0206, 0207, úr 0208, 0209 00, 0210, 1601 00 og 1602 (i)(iv)	fyrir hrámjólk og nýmjólk úr kúm, eins og tilgreint er í I. viðauka undir tollskrárnúmeri 0401; fyrir önnur matvæli undir tollskrárnúmerum 0401, 0402, 0405 00 og 0406(ii)(iv)	fyrir skurnlaus ný egg, fyrir fuglsegg og eggjarauður eins og tilgreint er í I. viðauka undir tollskrárnúmerum 0407 00, 0408(iii)(iv)
ENDÓSÚLFAN Efnaleif: summa alfa- og beta-endósúlfans og endósúlfansúlfats, gefið upp sem endósúlfan	(a) alifuglakjöt 0,1 annað	0,004	(a)
FENTÍN Efnaleif: fentín, gefið upp sem trifenyítínkatjón	0,05(*)	0,05(*)	0,05(*)
FENBÚTATÍNOXÍÐ	0,05(*)	0,05(*)	0,05(*)
TRÍASÓFÓS	(b) alifuglakjöt 0,01(*) annað	0,01(*)	(b)
DÍASÍNÓN	(a) svína- og alifuglakjöt	0,01(*)	(a)
DÍSÚLFÓTON Efnaleif: summa dísúlfótons, dísúlfótonsúlfóxíðs og dísúlfótonsúlfóns, gefið upp sem dísúlfóton	0,02(*)	0,02	0,02(*)
DÍKÓFÓL Efnaleif: summa P-, P'- og O-, P'-ísómera	0,5 kjöt af nautgripum, kindum og geitum 0,1 alifuglakjöt 0,05(*) annað	0,02	0,05(*)

(*) Sýnir lægri mörk greiningarákvörðunar.

- (i) Þegar um er að ræða matvæli með 10% fituinnihald eða minna miðað við þyngd miðast efnaleifarnar við heildarþyngd úrbeinaðra matvæla. Í slíkum tilvikum er hámarks magnið einn tíundi af gildinu, sem er reiknað á grundvelli fitumagnsins, en má þó ekki vera minna en 0,01 mg/kg.
- (ii) Þegar ákvarða skal efnaleifar í hrámjólk og nýmjólk úr kúm er miðað við 4% fituinnihald af þyngd. Fyrir hrámjólk og nýmjólk úr öðrum dýrum eru leifarnar gefnar upp miðað við fituinnihald.
- Fyrir önnur matvæli sem eru talin upp í I. viðauka undir tollskrárnúmerum 0401, 0402, 0405 00 og 0406:
- með fituinnihald innan við 2% miðað við þyngd er hámarksviðmiðunargildið helmingur af því sem sett er fyrir hrámjólk og nýmjólk,
 - með fituinnihald 2% eða meira miðað við þyngd er hámarksviðmiðunargildið gefið upp í mg/kg af fitu. Í slíkum tilvikum er hámarksgildið 25 sinnum það sem sett er fyrir hrámjólk og nýmjólk.
- (iii) Fyrir egg og eggjaafurðir með meira fituinnihald en 10% skal gefa hámarksviðmiðunargildi upp í mg/kg af fitu. Í slíkum tilvikum er hámarksgildið tíu sinnum hærra en hámarksviðmiðunargildi fyrir ný egg.
- (iv) Ákvæði neðanmálgreina (i), (ii) og (iii) gilda ekki þegar lægri mörk greiningarákvörðunar eru sýnd.
- (v) Hafí viðmiðunargildi ekki verið samþykkt 30. apríl 2000 skal miða við eftirfarandi hámarksgildi:
- (a) 0,05(*)
 - (b) 0,01(*)

2. Bæta ber eftirfarandi varnarefnaleifum við B-hluta:

Varnarefnaleifar	Hámarks magn í mg/kg (ppm)		
	fyrir kjöt, einnig fitu, kjötvörur, sláturúrgang og dýrafitu eins og tilgreint er í I. viðauka undir tollskrárnúmerum úr 0201, 0202, 0203, 0204, 0205 00 00, 0206, 0207, úr 0208, 0209 00, 0210, 1601 00 og 1602	fyrir mjólk og mjólkurvörur eins og tilgreint er í I. viðauka undir tollskrárnúmerum 0401, 0402, 0405 00 og 0406	fyrir skurnlaus ný egg, fyrir fuglsegg og eggjarauður eins og tilgreint er í I. viðauka undir tollskrárnúmerum 0407 00 og 0408
TRÍFÓRÍN	0,05(*)	0,05(*)	0,05(*)
PRÓPOXÚR	0,05(*)	0,05(*)	0,05(*)
PRÓPÝSAMÍÐ Efnaleif: summa própýsamíðs og allra umbrotsefna sem innihalda 3,5-díklórbensósýruh lutana, gefið upp sem própýsamíð	0,05 fita, lifur og nýru 0,02(*) annað	0,01(*)	0,02(*)
FÓRAT Summa fórats, súrefnishliðstæðu þess og súlfoxíða og súlfóna þeirra, gefið upp sem fórat	0,05(*)	0,02(*)	0,05(*)
KLÓRMEKVAT	(a)	(a)	(a)
DÍKÓFÓL Efnaleif: 1,1-bis-(paraklór-fenól)-2,2-díklóretanól (PP'-FW152), gefið upp sem díkófól	1,0 lifur úr nautgripum, kindum og geitum		

(*) Sýnir lægri mörk greiningarákvörðunar.

(a) Hafi viðmiðunargildi ekki verið samþykkt 30. apríl 2000 skal miða við hámarksgildið 0,05(*)

3. gr.

Aðildarríkin skulu samþykkja nauðsynleg lög og stjórnsýslufyrirmæli til að fara að tilskipun þessari eigi síðar en 30. apríl 1997.

Þegar aðildarríkin samþykkja þessar ráðstafanir skal vera í þeim tilvísun í þessa tilskipun eða þeim fylgja slík tilvísun þegar þær verða birtar opinberlega. Aðildarríkin skulu setja nánari reglur um slíka tilvísun.

4. gr.

Tilskipun þessi öðlast gildi daginn sem hún birtist í *Stjórnartíðindum Evrópubandalaganna*.

5. gr.

Tilskipun þessari er beint til aðildarríkjanna.

Gjört í Brussel 21. maí 1996.

Fyrir hönd ráðsins,

M. PINTO

forseti.